

বিদেশ ফেরত অভিবাসীদের জন্য পুনঃএকত্রীকরণ ও
রেফারাল সার্ভিস নিশ্চিতকরণবিষয়ক প্রশিক্ষণ মডিউল
(সরকারি কর্মকর্তাদের জন্য)



বিদেশ ফেরত অভিবাসীদের জন্য পুনঃএকত্রীকরণ ও
রেফারাল সার্ভিস নিশ্চিতকরণবিষয়ক প্রশিক্ষণ মডিউল
(সরকারি কর্মকর্তাদের জন্য)



সহায়িকাটি প্রস্তুতকরণে যারা অবদান রেখেছেন

সম্পাদনায়

শীপা হাফিজা, তপতী সাহা

প্রণয়নে

হাসান ইমাম, বনশ্রী সরকার, সাবরিনা সোহানী

সহযোগিতায়

মাইগ্রেশন প্রোগ্রাম ব্র্যাক: পারভেজ সিদ্দিকী, শরিফ নাফে আস সাইফুর রহমান, নকিব রাজিব আহমেদ, আবু জাফর মো: সাদেক, স্বপন কুমার দাম, মুসফিকা জাহান, এ বি এম ফরহাদ আল করিম, এস এম আল যুবায়ের, সাজ্জাদ হোসেন, লায়লা আঞ্জুমান বানু, শরিফা জাফরিন, জামিল আক্তার, সাদিয়া করিম, মীরা সুলতানা, মো: ইকরামুল হাসান, মো: আব্দুল হালিম, দেওয়ান তারিকুজ্জামান এবং মো: সুলতান উদ্দিন; ইউএন উইমেন: সাবিনা সাইদ

প্রকাশনায়

মাইগ্রেশন প্রোগ্রাম, ব্রাক

প্রকাশনা তত্ত্বাবধান

মীরা সুলতানা

পারভেজ সিদ্দিকী

প্রকাশকাল

আগাস্ট ২০১৫

অলংকরণ ও মুদ্রণ

পাথওয়ে/www.pathway.com.bd

সূচিপত্র

ক্রম নং	অধ্যায়ের নাম	পৃষ্ঠা
১	ভূমিকা	৪
২	সহায়িকা পরিচিতি	৬
৩	সহায়িকাটি ব্যবহারের নির্দেশিকা	৭
৪	প্রশিক্ষণ পরিচিতি	৮
৫	প্রশিক্ষণ সূচি	৯
৬	অধিবেশনসমূহ	
	অধিবেশন-১: উদ্বোধন	১১
	অধিবেশন-২: বিদেশফেরত অভিবাসী ও তাদের পুনঃএকত্রীকরণ	১৭
	অধিবেশন-৩: বিদেশফেরত অভিবাসী চিহ্নিতকরণ ও সেবা চাহিদা নিরূপণ	২৭
	অধিবেশন-৪: সমাপনী	৩৫

ভূমিকা

জনশক্তি কর্মসংস্থান ও প্রশিক্ষণ ব্যুরোর তথ্যমতে প্রতিবছর গড়ে প্রায় ৫ লাখেরও বেশি বাংলাদেশি চাকরি নিয়ে বিশ্বের বিভিন্ন দেশে যাচ্ছেন। ২০১৪ সালে ৪,২৫,৬৮৪ জন বাংলাদেশি চাকরি নিয়ে বিদেশে গিয়েছেন এবং যার মধ্যে ৭৬,০০৭ জন নারীকর্মী। অভিবাসী শ্রমিকরা প্রতিবছর প্রায় ১৫ বিলিয়নের বেশি রেমিটেন্স বাংলাদেশে পাঠাচ্ছেন যা বাংলাদেশের অর্থনীতিতে গুরুত্বপূর্ণ অবদান রাখছে। কিন্তু অভিবাসী কর্মীদের অনেকেই দেশে ও বিদেশে নানা ধরনের সমস্যার মুখোমুখি হন। যেমন- প্রতারণার শিকার হওয়া, সঠিক বেতন না পাওয়া, বিভিন্ন শারীরিক এবং মানসিক নির্যাতনের শিকার হওয়া ইত্যাদি। এর ফলে অভিবাসী কর্মীদের অনেকেই যথাযথ প্রস্তুতি বা পরিকল্পনা ছাড়াই দেশে ফিরতে বাধ্য হন পাশাপাশি যে উদ্দেশ্য নিয়ে বিদেশে গিয়েছেন তা অর্জন করতে অনেক ক্ষেত্রে ব্যর্থ হন। দেশে ফিরেও তাদের পক্ষে সমাজ ও পরিবারের সঙ্গে খাপ খাইয়ে নেওয়া কষ্টকর হয়ে পড়ে। এক্ষেত্রে নারীদের বেশি প্রতিবন্ধকতার মুখোমুখি হতে হয়। বিদেশফেরত বাংলাদেশি অভিবাসীদের সামাজিক ও অর্থনৈতিকভাবে পুনরেকত্রীকরণের জন্য মাইগ্রেশন প্রোগ্রাম, ব্র্যাক কাজ করে যাচ্ছে।

ব্র্যাক তার ‘Promoting Decent Work thorough Improved Migration Policy and its Application in Bangladesh’ প্রকল্পের মাধ্যমে বাংলাদেশের অভিবাসীদের অধিকার রক্ষা করে তাদের জন্য নিরাপদ কর্মপরিবেশ তৈরির কাজ করে যাচ্ছে। সুইস ডেভেলপমেন্ট কর্পোরেশনের আর্থিক সহায়তায় প্রবাসী কল্যাণ ও বৈদেশিক কর্মসংস্থান মন্ত্রণালয় ও আন্তর্জাতিক শ্রমসংস্থা বাংলাদেশে এই প্রকল্পটি বাস্তবায়ন করছে। এরই আওতায় বিদেশ থেকে ফিরে আসা অভিবাসী এবং তাদের পরিবারের সদস্যদের সহায়তা করার উদ্দেশ্য নিয়ে মাইগ্রেশন প্রোগ্রাম, ব্র্যাক ইউএন উইমেন এর সহায়তায় এই প্রশিক্ষণ ম্যানুয়েলটি তৈরি করেছে। সংশ্লিষ্ট সকলের জন্য এটি বিশেষভাবে সহায়ক হবে বলে আমাদের বিশ্বাস।

প্রণয়নে: মাইগ্রেশন প্রোগ্রাম, ব্র্যাক

সহযোগিতায়: ইউএন উইমেন, বাংলাদেশ

কোর্স পরিচিতি

কোর্সের নাম	: বিদেশফেরত অভিবাসীদের জন্য পুনঃএকত্রীকরণ ও রেফারাল সার্ভিস নিশ্চিতকরণ
অংশগ্রহণকারী	: সরকারি কর্মকর্তা
প্রশিক্ষণের সময়সীমা	: ৩ কর্মদিবস
প্রশিক্ষণের প্রতিদিনের সময়সূচি	: সকাল ৯ টা - বিকাল ৫ টা
অংশগ্রহণকারীর সংখ্যা	: ২৪ জন
প্রশিক্ষণে ব্যবহৃত ভাষা	: বাংলা
প্রশিক্ষণ উদ্দেশ্য	১. অংশগ্রহণকারীগণকে সেফ মাইগ্রেশন ইস্যু প্রক্রিয়া, সামাজিক সচেতনতা ও সম্পৃক্ততা বৃদ্ধির মাধ্যমে ২. নিরাপদ অভিবাসন নিশ্চিতকরণ এবং প্রকল্পের কার্যক্রম ও বাস্তবায়নে ধারণা প্রদান; যাতে তারা নিজেদের এবং অন্যদের সচেতন করার মাধ্যমে নিরাপদ অভিবাসন নিশ্চিত করার ক্ষেত্রে কার্যকর ভূমিকা পালন করতে পারেন।
প্রশিক্ষণ পদ্ধতি	: প্রশিক্ষণটি প্রধানত অংশগ্রহণকারীকেন্দ্রীক ও অংশগ্রহণমূলক পদ্ধতি অনুসরণে পরিচালিত হবে। অংশগ্রহণকে সুনিশ্চিত করার লক্ষ্যে কৌশল হিসেবে অংশগ্রহণমূলক আলোচনা/দলীয় অনুশীলন, ভিডিও প্রদর্শন, স্লাইড প্রদর্শন, ও উপস্থাপন ইত্যাদি অনুসরণ করা হবে।
প্রশিক্ষণের উপকরণ	: ভিডিও, স্লাইড, চেকলিস্ট, পাঠ্যপুস্তক, তথ্যকার্ড, ছক ইত্যাদি প্রশিক্ষণ উপকরণ হিসেবে ব্যবহার করা হবে।



সহায়িকা পরিচিতি

রিইন্ট্রিগেশন বিষয়ক সরকারি কর্মকর্তাদের ওরিয়েন্টেশন

এই প্রশিক্ষণ মডিউলে কোর্সের উদ্দেশ্য, প্রশিক্ষণসূচি, প্রতিটি অধিবেশনের শিরোনাম, অধিবেশন নির্দেশিকা, পাঠোপকরণ সংযুক্ত করা হয়েছে। প্রতিটি অধিবেশনে যে সব তথ্য সন্নিবেশিত হয়েছে তা হল :

অধিবেশন

প্রতিটি অধিবেশনের জন্য পৃথক নম্বর ব্যবহার করা হয়েছে, এতে করে সহায়ক বিষয়গুলো সহজে পৃথকভাবে চিহ্নিত করতে পারবেন।

উদ্দেশ্য

প্রতিটি অধিবেশনের শিখন উদ্দেশ্য কী, অর্থাৎ অংশগ্রহণকারীগণ নির্দিষ্ট অধিবেশন সমাপ্তির পর কী জ্ঞান, দক্ষতা ও দৃষ্টিভঙ্গি অর্জন করবেন তা সুনির্দিষ্টভাবে উল্লেখ করা হয়েছে। এই উদ্দেশ্যসমূহ অধিবেশন পরিচালনার ক্ষেত্রে সহায়ককে নির্দেশনা প্রদান করবে।

সময়

একটি অধিবেশন শেষ করতে কতক্ষণ সময় লাগতে পারে তা উল্লেখ করা হয়েছে, যা সহায়ককে অধিবেশনটি পরিচালনার জন্য পরিকল্পনা প্রণয়নে সাহায্য করবে।

অধিবেশন নির্দেশিকা

একটি অধিবেশনের কার্যক্রমকে কয়েকটি ধাপে ভাগ করা হয়েছে। প্রতিটি অধিবেশনের নির্ধারিত উদ্দেশ্য অর্জনের জন্য সহায়ক ও অংশগ্রহণকারীগণ যে কাজ সম্পাদন করবেন তা ধাপে ধাপে এখানে উল্লেখ করা হয়েছে।

পদ্ধতি

প্রতিটি অধিবেশনের উদ্দেশ্য অর্জনের জন্য সহায়ক কোন্ পদ্ধতিতে কার্যক্রমসমূহ পরিচালনা করবেন তা এখানে বর্ণনা করা হয়েছে। এতে সহায়ক নির্ধারিত পদ্ধতি অবলম্বন করে, সঠিকভাবে অধিবেশন পরিচালনা করতে পারবেন।

প্রক্রিয়া বা প্রশিক্ষকের করণীয়

প্রক্রিয়া বা প্রশিক্ষকের করণীয় স্পষ্ট করে লিপিবদ্ধ করা হয়েছে। প্রতিটি ধাপের উদ্দেশ্য অর্জনের জন্য প্রশিক্ষক ও অংশগ্রহণকারীদের যেসব কার্যক্রম সম্পন্ন করতে হবে এবং কোন্ কাজের পরে কোন্ কাজ করতে হবে তা এখানে পর্যায়ক্রমে উল্লেখ করা হয়েছে। অধিবেশন পরিচালনার জন্য এই করণীয়সমূহ প্রশিক্ষকের পথ-নির্দেশিকা হিসেবে কাজ করবে।

উপকরণ

প্রতিটি অধিবেশনে উপকরণের নাম লেখা আছে। প্রতিটি ধাপ পরিচালনার জন্য প্রশিক্ষক ও অংশগ্রহণকারীগণের যেসব উপকরণের প্রয়োজন হবে তা এখানে উল্লেখ করা হয়েছে। এতে প্রশিক্ষক তার অধিবেশন পরিচালনা করার সময় সঠিক উপকরণ নির্বাচন, ব্যবহার ও অংশগ্রহণকারীগণের মধ্যে সরবরাহ করতে পারবেন।

সংযুক্ত উপকরণ

প্রতিটি অধিবেশনে নির্দেশিকার পরে অধিবেশন পরিচালনা, অংশগ্রহণকারীদের অনুশীলন এবং অংশগ্রহণকারীদের মধ্যে বিতরণের জন্য প্রয়োজনীয় উপকরণ (পাঠোপকরণ) সংযুক্ত করা হয়েছে। প্রতিটি অধিবেশন নম্বরের সঙ্গে সঙ্গতি রেখে সংযুক্ত উপকরণের নম্বর দেওয়া হয়েছে। এর ফলে সহায়ক সহজে এগুলো চিহ্নিত করতে পারবেন।

সহায়িকাটি ব্যবহারের নির্দেশিকা

রিইন্ট্রিগেশন বিষয়ক সরকারি কর্মকর্তাদের ওরিয়েন্টেশন

প্রশিক্ষণ কোর্সের উদ্দেশ্য অর্জনের লক্ষ্যে সহায়িকা হিসেবে এই প্রশিক্ষণ মডিউলটি প্রণয়ন করা হয়েছে। এই মডিউল ব্যবহারের জন্য সহায়কগণকে নিচের বিষয়গুলো বিবেচনা করতে হবে :


- প্রতিটি অধিবেশন শুরুর আগে এর মাধ্যমে কী উদ্দেশ্য অর্জন করতে চান সে সম্পর্কে অংশগ্রহণকারীদের ধারণা পরিষ্কার করা এবং পূর্বের অধিবেশনের সঙ্গে যোগসূত্র স্থাপন করা।
- চেষ্টা করা, যাতে অধিবেশনগুলো সর্বোচ্চ অংশগ্রহণমূলক হয়, আবার অধিবেশনের উদ্দেশ্যও অর্জিত হয়। এ ক্ষেত্রে অধিবেশনে বর্ণিত পদ্ধতিসমূহ অনুসরণ করা যেতে পারে।
- আলোচ্য বিষয়টির বিশ্লেষণ ও এ সম্পর্কিত ধারণা পরিষ্কার করার জন্য প্রয়োজনে অংশগ্রহণকারীদের মতামত ও অংশগ্রহণকারীদের ধারণা অনুযায়ী তাদের কাজের ক্ষেত্র ও জীবনসংশ্লিষ্ট উদাহরণ তুলে ধরা।
- অধিবেশন নির্দেশিকায় পদ্ধতি, সময়, প্রক্রিয়া ও উপকরণের কথা উল্লেখ করা আছে। অধিবেশন প্রস্তুতির ক্ষেত্রে এগুলো বিবেচনায় নেওয়া।
- অধিবেশনের ধাপগুলো পর্যায়ক্রমিকভাবে অনুসরণ করা। তা না হলে অধিবেশনের ধারাবাহিকতা নষ্ট হতে পারে। চেষ্টা করা যাতে নির্দিষ্ট সময়ের মধ্যে নির্দিষ্ট ধাপটির আলোচনা শেষ হয়।
- অধিবেশনটি প্রাণবন্ত করার জন্য এর নির্দিষ্ট উপকরণসমূহ প্রস্তুত রাখা, প্রয়োজনে নতুন উপকরণ তৈরি করে নেওয়া। অধিবেশন শেষে অধিবেশনের উদ্দেশ্যসমূহ অর্জিত হয়েছে কিনা এবং অধিকাংশ অংশগ্রহণকারী অধিবেশনের আলোচনার সঙ্গে একমত পোষণ করছেন কিনা তা যাচাই করে নেওয়া।
- অংশগ্রহণকারীদের মধ্যে যেসব উপকরণ বিতরণ করা হবে, সেগুলো আগে থেকেই প্রয়োজনীয় সংখ্যক কপি করে ঠিকমতো পরীক্ষা করে নেওয়া, যাতে যথাসময়ে তা বিতরণ করা যায়।

প্রশিক্ষণ মডিউলের নমনীয়তা

- এই মডিউলটি প্রশিক্ষণ কোর্স পরিচালনার জন্য নির্দেশিকা হিসেবে ব্যবহার করতে হবে।
- অংশগ্রহণকারীদের স্তর, জ্ঞান, দক্ষতা ও প্রত্যাশা বিবেচনা করে প্রস্তাবিত পদ্ধতি, প্রক্রিয়া, সময়, উপকরণ ইত্যাদির পরিবর্তন করা যাবে। প্রয়োজনে প্রস্তাবিত উদ্দেশ্যের সঙ্গে নতুন উদ্দেশ্য সংযোজন করে সে অনুযায়ী নতুন ধাপ ও বিষয় সংযোজন করার সুযোগ রয়েছে।
- মনে রাখতে হবে, বাস্তবতার নিরিখে এই প্রশিক্ষণ মডিউলের সব কিছুই পরিবর্তন, পরিবর্ধন ও সংশোধন করা যাবে। এটি শুধু প্রয়োজনের তাগিদেই পরিবর্তন করবেন, অন্যথায় নয়। এই পরিবর্তন যেন উন্নয়ন ও সমৃদ্ধকরণের জন্য হয়। তবে মনে রাখতে হবে, এই পরিবর্তনের ফলে যেন মডিউলের গুণগত মান ক্ষুণ্ণ না হয়।
- অধিবেশনকে অধিক অংশগ্রহণমূলক করার জন্য উল্লিখিত পদ্ধতি পরিবর্তন করা যেতে পারে বা নতুন কোন পদ্ধতি অবলম্বন করে অধিবেশন পরিচালনা করা যেতে পারে।
- একটি অধিবেশনের জন্য নির্ধারিত মোট সময়কে ঠিক রেখে প্রয়োজনে বিভিন্ন ধাপের সময়ের পরিবর্তন করে নিতে পারেন। আবার প্রয়োজনে একাধিক অধিবেশনের সময় পুনঃনির্ধারণ করে সামঞ্জস্য বিধান করতে পারেন।
- প্রশিক্ষণ মডিউলে সংযোজিত পাঠ্যপুস্তক ও অন্যান্য উপকরণ চাহিদার সঙ্গে সঙ্গতি রেখে পরিবর্তন করতে হবে। যেমন—পাঠ্যপুস্তক ও উপকরণগুলোর পরিবর্তন, পরিবর্ধন ও অভিযোজন করতে হতে পারে।
- এই মডিউলে ব্যবহৃত পাঠ্যপুস্তকসমূহ, বিষয়ের উপর শুধুমাত্র আপনার (প্রশিক্ষক) জ্ঞান ও দক্ষতা বৃদ্ধির জন্য পরবর্তী সময়ে আপনি (প্রশিক্ষক) অংশগ্রহণকারীগণের শিক্ষাগত যোগ্যতা, জ্ঞান, অভিজ্ঞতা ইত্যাদি বিবেচনা করে সহজ ভাষায় তাদের কাছে এ বিষয়গুলো উপস্থাপন করবেন।

প্রশিক্ষণের বিষয়: বিদেশফেরত অভিবাসীদের পুনঃএকত্রীকরণ ও রেফারাল সার্ভিস নিশ্চিতকরণ অধিবেশন পরিকল্পনা

অধিবেশন নং	সময়	অধিবেশনের নাম	পার্ঠোপকরণ
১ম দিবস			
অধিবেশন-১	১ঘন্টা ০৯:০০-১০:০০	সূচনা অধিবেশন ও রেজিস্ট্রেশন	
অধিবেশন-২	১ঘন্টা ১৫ মিনিট ১০:০০-১১:১৫	বিদেশফেরত অভিবাসী এবং তাদের পুনঃএকত্রীকরণ	
চা বিরতি (১১:১৫- ১১:৩০)			
অধিবেশন-৩	১ঘন্টা ১১:৩০-১২:৩০	বিদেশফেরত অভিবাসী চিহ্নিতকরণ ও সেবা চাহিদা নিরূপণ	
অধিবেশন-১৩	৩০ মিনিট ১২:৩০-১:০০	প্রশিক্ষণ মূল্যায়ন ও সমাপন	
দুপুরের খাবার			



অধিবেশন ১
সূচনা, পরিচিতি ও প্রশিক্ষণ উদ্দেশ্য

সূচনা, পরিচিতি ও প্রশিক্ষণ উদ্দেশ্য

অধিবেশন ১

উদ্দেশ্য	এই অধিবেশন শেষে: ১. একে অপরের সঙ্গে পরিচিত হতে পারবেন এবং জড়িতামুক্ত হয়ে প্রশিক্ষণে অংশগ্রহণ করতে পারবেন। ২. প্রশিক্ষণ উদ্দেশ্য সম্পর্কে বলতে পারবেন। ৩. অংশগ্রহণকারীগণ ব্র্যাক, মাইগ্রেশন প্রোগ্রাম, এবং বিদেশফেরত অভিবাসীদের পুনঃএকত্রীকরণ ও রেফারাল সার্ভিস নিশ্চিতকরণ প্রকল্প সম্পর্কে ধারণা লাভ করতে পারবেন।
সময়	১ ঘন্টা
উপকরণসমূহ	রেজিস্ট্রেশন শীট, মার্কার, নাম কার্ড, শুভেচ্ছা কার্ড, কলম, প্যাড, প্রশ্নপত্র ইত্যাদি

ধাপ	উপবিষয়	পদ্ধতি	সময়
১	রেজিস্ট্রেশন ও প্রাক-প্রশিক্ষণ মূল্যায়ন	ফরম পূরণ	১০ মিনিট
২	পরিচিতি ও জড়তা বিমোচন	জোড়া দলে আলোচনা	১৫ মিনিট
৩	ব্র্যাক, মাইগ্রেশন প্রোগ্রাম এবং বিদেশফেরত অভিবাসীদের পুনঃএকত্রীকরণ ও রেফারাল সার্ভিস নিশ্চিতকরণ প্রকল্প সম্পর্কে ধারণা	আলোচনা, প্রদর্শন	২৫ মিনিট
৪	প্রশিক্ষণের লক্ষ্য, উদ্দেশ্য ও প্রত্যাশা এবং প্রশিক্ষণকালীন নিয়মনীতি	আলোচনা, প্রদর্শন, ভিপি	১০ মিনিট

অধিবেশন পরিচালন প্রক্রিয়া

ধাপ: ১	রেজিস্ট্রেশন ও প্রাক-প্রশিক্ষণ ধারণা যাচাই	-	১০ মিনিট
--------	---	---	----------

রেজিস্ট্রেশন:

- রেজিস্ট্রেশনের জন্য অংশগ্রহণকারীদের রেজিস্ট্রেশন শীট ও কলম দিন।
- প্রত্যেকের রেজিস্ট্রেশন শেষ হলে শীটটি সংগ্রহ এবং সংরক্ষণ করুন।

প্রাক-প্রশিক্ষণ ধারণা যাচাই:

- প্রশিক্ষণার্থীদের বর্তমান জ্ঞান, দক্ষতা ও মনোভাব মূল্যায়নের জন্য প্রাক-প্রশিক্ষণ ধারণা যাচাইপত্র প্রদান করা যেতে পারে।
- সময় নির্ধারণ করে প্রশ্নপত্র পূরণের নিয়মাবলী সম্পর্কে বলা যেতে পারে।
- প্রশ্নপত্র পূরণ শেষে অংশগ্রহণকারীদের কাছ থেকে সংগ্রহ করে সংরক্ষণ করবেন।

ধাপ: ২	পরিচিতি ও জড়তা বিমোচন	জোড়াদলে আলোচনা	১৫ মিনিট
--------	------------------------	-----------------	----------

- অংশগ্রহণকারীদের শুভেচ্ছা জানিয়ে অধিবেশন শুরু করুন।
- প্রথমে আয়োজকদের পক্ষ থেকে সূচনা বক্তব্য দেওয়ার জন্য আহ্বান জানান।
- সূচনা বক্তব্যের পর পরিচয়পর্ব শুরু করা যেতে পারে। পরিচয় প্রদানের জন্য প্রতি দুজনকে নিয়ে একটি দল তৈরি করুন। প্রতি দল এক সঙ্গে বসবে এবং একে-অপরের পরিচয় জেনে নেবে। যখন বড় দলে নিজেদের পরিচয় দেবে তখন একজন অন্যজনের পরিচয় দেবে। প্রস্তুতির জন্য সময় ৫ মিনিট।
- প্রতি দলকে ডাকুন এবং তাদের পরিচয় দিতে বলুন। পরিচয় দেওয়া হলে প্রতি দলকে অভিনন্দন জানিয়ে অন্যদলকে ডাকুন। এভাবে সবার পরিচয় শেষ করুন এবং নিজেও এ প্রক্রিয়ায় অংশ নিন।

ধাপ: ৩	ব্র্যাক, মাইগ্রেশন প্রোগ্রাম, এবং বিদেশফেরত অভিবাসীদের পুনঃএকত্রীকরণ ও রেফারাল সার্ভিস নিশ্চিতকরণ প্রকল্প সম্পর্কে ধারণা	জোড়াদলে আলোচনা	২৫ মিনিট
--------	---	-----------------	----------

- এই ধাপে আলোচনার শুরুতে বোর্ডে বা ফ্লিপপেপারে বড় করে ব্র্যাক লিখে অংশগ্রহণকারীদের জানানো যেতে পারে যে, এ পর্যায়ে আমরা ব্র্যাক সম্পর্কে জানব।
- অংশগ্রহণকারীদের কাছে জানতে চাইতে পারেন, তারা ব্র্যাকের নাম শুনেছে কিনা এবং ব্র্যাক কী নিয়ে কাজ করে।
- দুই একজন অংশগ্রহণকারীর কাজ থেকে তাদের ধারণাগুলো শোনা যেতে পারে।
- অংশগ্রহণকারীদের বক্তব্য শোনার পর অংশগ্রহণকারীদের একটি ভিডিও দেখার জন্য তাদের আমন্ত্রণ জানান
- ভিডিওটি প্রদর্শন শেষে অংশগ্রহণকারীদের কাছে এ বিষয়ে তাদের অনুভূতি জানতে চান
- অংশগ্রহণকারীদের উত্তর শোনার পর তাদের জানাতে পারেন, ব্র্যাক হল একটি বেসরকারি প্রতিষ্ঠান এবং বিশ্বের এক নম্বর এনজিও।

- এ পর্যায়ে অংশগ্রহণকারীদের ব্র্যাকের লক্ষ্য সম্পর্কে জানানো যেতে পারে। সেক্ষেত্রে আগেই পোস্টার পেপারে ব্র্যাকের লক্ষ্য লিখে নিয়ে আসা যেতে পারে এবং তা প্রদর্শন করার মাধ্যমে অংশগ্রহণকারীদের জানাতে পারেন ব্র্যাকের লক্ষ্য:

ব্র্যাকের লক্ষ্য হচ্ছে দারিদ্র্য, অশিক্ষা, ব্যাধি এবং সামাজিক অবিচার দূরীভূত করে দরিদ্র মানুষ এবং জনগোষ্ঠীর ক্ষমতায়নের পথকে প্রশস্ত করা। সংগঠনের বিভিন্ন উদ্যোগের বিস্তার ঘটিয়ে অর্থনৈতিক ও সামাজিক কর্মসূচির মাধ্যমে ইতিবাচক পরিবর্তন আনা এবং সমাজের সকল নারী ও পুরুষকে তাদের সম্ভাবনা ও সামর্থ্য বিকাশে সক্ষম করে তোলাও ব্র্যাকের লক্ষ্য।

- ব্র্যাকের লক্ষ্য জানানোর পাশাপাশি ব্র্যাকের বিভিন্ন প্রোগ্রাম সম্পর্কে ধারণা দেওয়া যেতে পারে। যেমন ব্র্যাক শিক্ষা, স্বাস্থ্য, মাইগ্রেশন প্রভৃতি বিষয় নিয়ে কাজ করে।
- অংশগ্রহণকারীদেরকে ব্র্যাক মাইগ্রেশন প্রোগ্রাম এবং প্রকল্প সম্পর্কে প্রাথমিক ধারণা দেওয়া যেতে পারে।
- অংশগ্রহণকারীদেরকে এ বিষয়ে একটি পাওয়ার পয়েন্ট প্রেজেন্টেশন দেখার আমন্ত্রণ জানানো যেতে পারে।
- প্রদর্শন ও উপস্থাপন শেষে কারও কোন প্রশ্ন আছে কি না জানতে চাওয়া যেতে পারে।

ধাপ: ৪	প্রশিক্ষণের লক্ষ্য, উদ্দেশ্য ও প্রত্যাশা এবং প্রশিক্ষণকালীন নিয়মনীতি	আলোচনা, প্রদর্শন, ভিপি	১০ মিনিট
--------	--	------------------------	----------

- এ পর্যায়ে আগে প্রস্তুতকৃত চার্টপেপারে লেখা প্রশিক্ষণের লক্ষ্য ও উদ্দেশ্য অংশগ্রহণকারীদের সামনে তুলে ধরুন/ স্লাইড প্রদর্শন করা যেতে পারে।
- লক্ষ্য ও উদ্দেশ্যগুলো অংশগ্রহণকারীদেরকে ব্যাখ্যা করা যেতে পারে।
- অংশগ্রহণমূলক করার জন্য আলোচনায় অংশগ্রহণকারীগণকেও সম্পৃক্ত করুন।
- প্রশিক্ষণ সফলভাবে শেষ করার জন্য অংশগ্রহণকারীদের সহযোগিতা কামনা করা যেতে পারে।
- সকলের সম্মতিতে প্রশিক্ষণ চলাকালীন কিছু নিয়ম শৃঙ্খলা নির্ধারণ করা যেতে পারে।
- নির্ধারিত নিয়ম শৃঙ্খলাগুলো একটি পোস্টার পেপারে লিখে দেয়ালে টাঙিয়ে দেওয়া যেতে পারে।
- সবাইকে ধন্যবাদ জানিয়ে সূচনা অধিবেশন শেষ করা যেতে পারে।

প্রাক-প্রশিক্ষণ ধারণা যাচাই

১. পুনঃএকত্রীকরণ সাধারণত কয় ধরনের হয়?
☐ ২ ধরনের ☐ ৪ ধরনের ☐ ৭ ধরনের
২. বিদেশফেরত অভিবাসী চিহ্নিত করা কেন প্রয়োজন?
☐ রেজিস্ট্রেশনের জন্য ☐ সেবা বা সুযোগ নিশ্চিত করার জন্য ☐ আবার বিদেশ পাঠানোর জন্য
৩. অভিবাসীদের সঙ্গে তার পরিবারের দূরত্ব তৈরি হয় কি?
☐ হয় ☐ হয় না ☐ কখনও কখনও হয়
৪. অপবাদ দেওয়া হয় কিসের ভিত্তিতে?
☐ বাস্তবতার ভিত্তিতে ☐ মিথ্যার ভিত্তিতে ☐ কৃতকর্মের ভিত্তিতে
৫. কমিউনিটি মবিলাইজেশন কী করে?
☐ সালিশ করে ☐ সচেতনতা তৈরি করে ☐ বিবাহ রেজিস্ট্রেশন কওে
৬. কাউন্সেলিং কি?
☐ পরিবার পরিকল্পনা পদ্ধতি ☐ পরামর্শ ☐ বিচার সালিশ
৭. এন্টারপ্রেনারশিপ কি?
☐ ডাক্তারি বিদ্যা ☐ বাণিজ্যিক উদ্যোগ ☐ সেবাদানকারী
৮. রেফারেল কি?
☐ সেবা পাওয়ার জন্য ☐ ডাক্তার দেখানো ☐ অভিবাসীদের একত্রিত করা
সঠিক স্থানে পাঠানো

অধিবেশন ২

বিদেশফেরত অভিবাসী এবং তাদের পুনঃএকত্রীকরণ



বিদেশফেরত অভিবাসী এবং তাদের পুনঃএকত্রীকরণ

অধিবেশন ২

উদ্দেশ্য	এই অধিবেশন শেষে: ১. অংশগ্রহণকারীগণ জাতীয় উন্নয়নে অভিবাসীদের অবদান সম্পর্কে ধারণা লাভ করবেন ২. অংশগ্রহণকারীগণ বিদেশ যাওয়ার পর এবং বিদেশ থেকে ফিরে আসার পর অভিবাসীদের কী কী সমস্যা হয় তা বলতে এবং ব্যাখ্যা করতে পারবেন ৩. অংশগ্রহণকারীগণ ফেরত আসা অভিবাসীদের অর্থনৈতিক ও সামাজিক পুনঃএকত্রীকরণ সম্পর্কে বলতে পারবে
সময়	১ ঘন্টা ১৫ মিনিট
উপকরণসমূহ	মার্কার, ফ্লিপপেপার

ধাপ	উপবিষয়	পদ্ধতি	সময়
১	অভিবাসীদের অবদান এবং অভিবাসনের বিভিন্ন ধাপে অভিবাসীদের সমস্যা	পাওয়ার পয়েন্ট প্রেজেন্টেশন, বাজ গ্রুপ, দলীয় অনুশীলন, অংশগ্রহণমূলক আলোচনা	৪০ মিনিট
২	পুনঃএকত্রীকরণ কী, এর ধরণ এবং প্রয়োজনীয়তা	অংশগ্রহণমূলক আলোচনা	১৫ মিনিট
৩	পুনঃএকত্রীকরণের ক্ষেত্রে অভিবাসীদের চাহিদা এবং চাহিদা অনুযায়ী বিদ্যমান/প্রয়োজনীয় সেবাসমূহ চিহ্নিতকরণ	প্রশ্নোত্তর, আলোচনা	১৫ মিনিট
৪	সারসংক্ষেপ	অংশগ্রহণমূলক আলোচনা	৫ মিনিট

অধিবেশন পরিচালন প্রক্রিয়া

ধাপ: ১	অভিবাসীদের অবদান এবং অভিবাসনের বিভিন্ন ধাপে অভিবাসীদের সমস্যা	পাওয়ার পয়েন্ট প্রেজেন্টেশন, বাজ গ্রুপ, দলীয় অনুশীলন, অংশগ্রহণমূলক আলোচনা	৪০ মিনিট
--------	---	---	----------

অভিবাসীদের অবদান

- অংশগ্রহণকারীদের কাছে জানতে চাওয়া যেতে পারে অভিবাসন বলতে তারা কী বোঝেন? প্রশ্নোত্তরের মাধ্যমে কয়েকজন অংশগ্রহণকারীর উত্তর শোনা যেতে পারে।
- অংশগ্রহণকারীদের উত্তর শোনার পর বলা যেতে পারে অভিবাসন হল:

যে প্রক্রিয়ায় অভিবাসী উৎস রাষ্ট্রের বহির্গমন আইন মেনে এবং মধ্যবর্তী (ট্রানজিট) ও গন্তব্য রাষ্ট্রে/নতুন আবাসে প্রবেশের জন্য আইনি, যথাযথ ও নির্ভেজাল ভ্রমণসংক্রান্ত কাগজপত্র নিয়ে দেশ ত্যাগ ও বিদেশ গমন করে।

- অংশগ্রহণকারীদের কাছে আরও জানতে চাওয়া যেতে পারে ব্যক্তি এবং জাতীয় জীবনে অভিবাসনের গুরুত্ব সম্পর্কে।
- দলের মতামত বোর্ড/পোস্টার পেপার/ফ্লিপচার্টে লিখা যেতে পারে
- অংশগ্রহণকারীদের উত্তরগুলোর সঙ্গে মিলিয়ে বলুন- জাতীয় জীবনে অভিবাসীদের অবদান সম্পর্কে।

২০১৩ সালে মোট অভিবাসীর কর্মীর সংখ্যা ছিল ৩,৭১,৬৪৭ জন যার মধ্যে ৫৬,৪০০ জন নারী কর্মী।

২০১৩ অর্থবছরে অভিবাসী কর্মীরা প্রায় ১৪.৪৬ বিলিয়ন ইউএস ডলারের বেশি রেমিটেন্স দেশে পাঠায় যা মোট বৈদেশিক বিনিয়োগের আয়ের ৭ গুন (সূত্র: বাংলাদেশ ব্যাংক)। যা গার্মেন্টস খাতের নীট আয়ের দ্বিগুন এবং সরাসরি বৈদেশিক বিনিয়োগের ৫গুন। যা দেশের জিডিপি'তে রেমিটেন্স এর অবদান প্রায় ১৩%।

আরও বিস্তারিত আলোচনার জন্য সহায়কের নোট-১.১ দেখা যেতে পারে।

অভিবাসনের বিভিন্ন ধাপে অভিবাসীদের সমস্যা

- অংশগ্রহণকারীদের কাছে জানতে চাওয়া যেতে পারে বিদেশে অবস্থানকালীন, দেশে ফিরে আসা অভিবাসীর জন্য জরুরি ভিত্তিতে এয়ারপোর্টে কী কী ধরনের সমস্যার এবং দেশে স্থায়ীভাবে থাকার জন্য ফিরে আসার পর অভিবাসী কর্মীরা কী কী সমস্যার সম্মুখীন হয় কিংবা হতে পারে?
- দুই একজন অংশগ্রহণকারীর উত্তর শোনা যেতে পারে। উত্তর শোনার পর অংশগ্রহণকারীদের ৩টি দলে ভাগ করে এবং দলীয় কাজের জন্য আহ্বান করা যেতে পারে।।

দল ০১ : বিদেশে অবস্থানকালীন সম্ভাব্য সমস্যা

দল ০২ : দেশে ফিরে আসা অভিবাসীগণ এয়ারপোর্টে কী কী ধরনের সমস্যায় পড়ে

দল ০৩ : দেশে ফেরত আসার পর/স্থায়ীভাবে থাকার জন্য ফিরে আসার পর সম্ভাব্য সমস্যা

- দলীয় অনুশীলন শুরু করার পূর্বে অংশগ্রহণকারীদের দলীয় কাজের বিষয় এবং পদ্ধতি বুঝিয়ে দেওয়া যেতে পারে।
- দলীয় অনুশীলনের জন্য প্রত্যেক দলকে প্রথমে ১০ মিনিট সময় দেওয়া যেতে পারে। সময় শেষে দলগুলোকে বিষয় পরিবর্তন করার জন্য আহ্বান করা যেতে পারে। অর্থাৎ ১ম দল, ২য় দলের বিষয়ের উপর; ২য় দল ৩য় দলের বিষয়ের উপর এবং ৩য় দল ১ম দলের বিষয়ের উপর কাজ করবে। এক্ষেত্রে প্রতিটি দল প্রত্যেক দলের অনুশীলনী পড়বে এবং কোন পয়েন্ট

যুক্ত করার থাকলে যুক্ত করবে। এর জন্য সময় ৫ মিনিট। সময় শেষে আবার দল পরিবর্তন করে একইভাবে কাজ করতে বলা যেতে পারে। এক্ষেত্রে সময় ৩ মিনিট। উপকরণ হিসেবে ৩ রঙের পোস্টার পেপার ও মার্কার সরবরাহ করা যেতে পারে।

- দলীয় অনুশীলনের সময় শেষে দলীয় কাজের ফলাফল সম্বলিত পোস্টার পেপারগুলো মেঝেতে বিছিয়ে সকল অংশগ্রহণকারীদের গোল হয়ে দাঁড়াতে বলা যেতে পারে এবং দলীয় কাজের ফলাফলগুলো সবার সামনে প্রতিটি বিষয়ের উপর আলোচনা করা যেতে পারে। আলোচনা শেষে মতামতের ভিত্তিতে ফেরত আসা অভিবাসীদের সমস্যাসমূহ চিহ্নিত করা যেতে পারে।

ধাপ: ২	পুনঃএকত্রীকরণের ধারণা, ধরণ এবং প্রয়োজনীয়তা	মুক্ত চিন্তার ঝড়, প্রশ্নোত্তর, আলোচনা	১৫ মিনিট
--------	--	--	----------

- পূর্বের ধাপ আলোচনার সূত্র অংশগ্রহণকারীদের জানানো যেতে পারে, আমরা ফেরত আসা অভিবাসীদের সমস্যা সম্পর্কে জানতে পারলাম।
- এপর্যায়ে সহায়ক সংক্ষিপ্তভাবে নিরাপদ অভিবাসন কী এবং নিরাপদ অভিবাসনের প্রক্রিয়া সম্পর্কে অংশগ্রহণকারীদের জানাতে পারেন।
- নিরাপদ অভিবাসন ধারণা প্রদানের পর সহায়ক জানাতে পারেন নিরাপদ অভিবাসনের সর্বশেষ ধাপ হল পুনঃএকত্রীকরণ। পুনঃএকত্রীকরণ শব্দটি বোর্ড/ফ্লিপচার্টে/ভিপিয়ার্ডে লিখে বোর্ডে টাঙিয়ে দিতে পারেন এবং জানতে চাইতে পারেন শব্দটি সম্পর্কে অংশগ্রহণকারীদের ধারণা আছে কিনা?
- অংশগ্রহণকারীদের কাছ থেকে এ সম্পর্কে শোনার পর সহায়ক জানাতে পারেন, ‘পুনঃ’ শব্দের অর্থ হল পুনরায় এবং একত্রীকরণ শব্দের অর্থ হল মিলিত হওয়া বা মিশে যাওয়া। অতএব ফেরত আসা অভিবাসীর পুনঃএকত্রীকরণ মানে হল দেশের মধ্যে পুনরায় বা পূর্বের ন্যায় সবার সঙ্গে মিলিত হওয়া বা মিশে যাওয়া।
- ফেরত আসা অভিবাসীদের পুনঃএকত্রীকরণ কী ধরনের হতে পারে তা অংশগ্রহণকারীদের কাছে শোনা যেতে পারে। অংশগ্রহণকারীদের মতামতের সঙ্গে মিলিয়ে সহায়ক জানাতে পারেন ফেরত আসা অভিবাসীদের পুনঃএকত্রীকরণে ধরণ সাধারণত ২ রকম।
 - সামাজিক পুনঃএকত্রীকরণ
 - অর্থনৈতিক পুনঃএকত্রীকরণ

সামাজিক পুনঃএকত্রীকরণ

দীর্ঘদিন বিদেশে থাকার পর দেশে ফিরে এসে একজন অভিবাসী কমীকে তার পরিবার ও সমাজের মানুষের সঙ্গে মানিয়ে চলতে হয়। তাই সামাজিক পুনঃএকত্রীকরণ হল পরিবার ও সমাজের সবার সঙ্গে আগের মত মিলেমিশে জীবনযাপন করা। তাই ফিরে আসা অভিবাসী কমীর সমাজের সবার সঙ্গে আবারও আগের মত করে মেলামেশার ক্ষেত্রে একজন অভিবাসী কমীর যেমন দায়িত্ব আছে, তেমনি দায়িত্ব রয়েছে পরিবার, সরকার ও সমাজের সবার।

অর্থনৈতিক পুনঃএকত্রীকরণ

দেশে ফিরে বিদেশে উপার্জিত অর্থের সঠিক বিনিয়োগ করা ও নিজের যোগ্যতা অনুযায়ী কাজে যোগ দিয়ে, নিজের ও পরিবারের অর্থনৈতিক স্বচ্ছলতা ধরে রাখাই হল অর্থনৈতিক পুনঃএকত্রীকরণ।

অভিবাসনের চক্রের ধাপ অনুযায়ী একজন অভিবাসীর নিরাপদে দেশে প্রত্যাবর্তন করার পর দেশে অর্থনৈতিক কর্মকাণ্ডে যুক্ত হওয়াকেই অর্থনৈতিক পুনঃএকত্রীকরণ বলে।

- এ পর্যায়ে অংশগ্রহণকারীদের কাছে জানতে চাওয়া যেতে পারে ফেরত আসা অভিবাসীদের পুনঃএকত্রীকরণের প্রয়োজন আছে কি?
- অংশগ্রহণকারীদের উত্তর শোনার পর জানানো যেতে পারে অধিবেশনের শুরুতে আমরা জেনেছি যে দেশের উন্নয়নে অভিবাসীদের ভূমিকা অনস্বীকার্য। কিন্তু অভিবাসীগণ যখন চুক্তির মেয়াদ শেষে কিংবা বয়সসীমা বা শারীরিক অসুস্থতাজনিত কারণে অথবা কর্মক্ষেত্রে ভিসা, অন্যান্য কাগজপত্রসংক্রান্ত সৃষ্ট জটিলতা, রাজনৈতিক অচলাবস্থা বা যুদ্ধবিগ্রহ, নির্যাতন ও প্রতারণার শিকার হয়ে দেশে ফিরে আসেন, দেখা যায় দেশে ফিরে আসার পর অধিকাংশ অভিবাসী অর্থনৈতিক ও সামাজিকভাবে সমস্যার সম্মুখীন হয়। অন্যদিকে ফেরত আসা অভিবাসীদের পুনর্বাসন কিংবা সহযোগিতা করার জন্য সেবাদানকারী প্রতিষ্ঠানের পাশাপাশি সামাজিকভাবে তাদের সহজ স্বাভাবিকভাবে গ্রহণ করার মানসিকতা গড়ে উঠেনি। ফলশ্রুতিতে দেশের উন্নয়নে সর্বোচ্চ অবদানকারী অভিবাসীগণের দুর্ভোগ দুর্দশার সীমা থাকেনা।
- আর তাই ফেরত আসা অভিবাসীদের পুনঃএকত্রীকরণের প্রয়োজনীয়তা খুবই গুরুত্বপূর্ণ।

ধাপ: ৩	পুনঃএকত্রীকরণের ক্ষেত্রে অভিবাসীদের চাহিদা এবং চাহিদা অনুযায়ী বিদ্যমান/প্রয়োজনীয় সেবাসমূহ চিহ্নিতকরণ	প্রশ্নোত্তর, আলোচনা	১৫ মিনিট
--------	---	---------------------	----------

- সহায়ক অংশগ্রহণকারীদের কাছে জানতে চাইতে পারেন পুনঃএকত্রীকরণের ক্ষেত্রে অভিবাসীদের চাহিদা কী কী হতে পারে?
- অংশগ্রহণকারীদের উত্তরসমূহ শোনা এবং বোর্ডে / ফ্লিপ শীটে লিখা যেতে পারে।
- অংশগ্রহণকারীদের উত্তরগুলোর সঙ্গে মিলিয়ে সরকারি, বেসরকারি প্রতিষ্ঠান কী সেবাপ্রদান করে থাকে তা উল্লেখ করার পাশাপাশি কোন্ কোন্ জায়গায় ঘাটতি রয়েছে তা আলোচনা করা যেতে পারে।
- সহায়ক নোট: ১.৪

ধাপ: ৪	সারসংক্ষেপ	অংশগ্রহণমূলক আলোচনা	৫ মিনিট
--------	------------	---------------------	---------

- অংশগ্রহণকারীদের সঙ্গে প্রশ্নোত্তরের মাধ্যমে অধিবেশনের আলোচ্য বিষয়গুলো সংক্ষেপে আলোচনা করা যেতে পারে। অংশগ্রহণকারীদের কোন প্রশ্ন থাকলে তার উত্তর দেওয়া যেতে পারে।
- অধিবেশন সারসংক্ষেপ করার পর সকলকে অধিবেশনে সহযোগিতা করার জন্য ধন্যবাদ জানিয়ে অধিবেশন শেষ করা যেতে পারে।

বিদেশফেরত অভিবাসী এবং পুনঃএকত্রীকরণ

সহায়ক পাঠ্যপত্র

১.১: অভিবাসীর অবদান

অভিবাসন:

যে অভিবাসন প্রক্রিয়ায় অভিবাসী উৎস রাষ্ট্রের বহির্গমন আইন মেনে এবং মধ্যবর্তী (ট্রানজিট) ও গন্তব্য রাষ্ট্রে/নতুন আবাসে প্রবেশের জন্য আইনি, যথাযথ ও নির্ভেজাল ভ্রমণসংক্রান্ত কাগজপত্র নিয়ে দেশ ত্যাগ ও বিদেশ গমন করে।

অভিবাসীর অবদান:

বাংলাদেশ সরকারের ব্যুরো অফ ম্যানপাওয়ার, এমপ্লয়মেন্ট অ্যান্ড ট্রেনিং (বিএমএইটি) এর সূত্র অনুযায়ী সরকারিভাবে ১৯৭৬ সাল থেকে বাংলাদেশী শ্রমিক বিভিন্ন দেশে অভিবাসন শুরু করে। বর্তমানে প্রায় ১৫৭টি দেশে বাংলাদেশী অভিবাসী শ্রমিকেরা বিভিন্ন পেশায় কর্মরত রয়েছেন। অভিবাসীদের পাঠানো রেমিটেন্স হচ্ছে এ দেশের অন্যতম সর্বোচ্চ বৈদেশিক মুদ্রা অর্জনকারী খাত। সম্প্রতি বিশ্ব ব্যাংক প্রকাশিত এক মূল্যায়ন প্রতিবেদনে উল্লেখ করা হয় যে- সারা বিশ্বে প্রবাসী আয় সংগ্রহকারী শীর্ষ ১০টি দেশের মধ্যে বাংলাদেশের স্থান ৮ম। বিগত ১০ বছরের গড় পর্যালোচনা করলে দেখা যায় প্রতিবছর গড়ে প্রায় ৫ লাখ বাংলাদেশী শ্রমিক বৈদেশিক কর্মসংস্থানের উদ্দেশ্যে বিশ্বের বিভিন্ন দেশে পাড়ি জমাচ্ছেন। শুধুমাত্র ২০১৩ সালে মোট অভিবাসীর সংখ্যা ছিল ৩,৭১,৬৪৭ জন যেখানে ৫৬,৪০০ জন নারীকর্মীও রয়েছেন। বাংলাদেশের মতো একটা উন্নয়নশীল দেশে উল্লেখিত সংখ্যক শ্রমিকের বিদেশে কর্মসংস্থান সৃষ্টি ও প্রচুর পরিমাণে রেমিটেন্স আসা সত্যিই সুখবর।

শুধুমাত্র ২০১৩ অর্থবছরে অভিবাসী কর্মীরা প্রায় ১৪.৪৬ বিলিয়ন ইউএস ডলারেরও বেশি রেমিটেন্স দেশে পাঠায় যা মোট বৈদেশিক আয়ের ৭ গুন (সূত্র: বাংলাদেশ ব্যাংক)। এটি গার্মেন্টস খাতের বৈদেশিক মুদ্রার নিট আয়ের দ্বিগুন এবং সরাসরি বৈদেশিক বিনিয়োগের ৫ গুন। আমাদের দেশের জিডিপি'তে রেমিটেন্স এর অবদান প্রায় ১৩%। এর ফলে বৈশ্বিক আর্থিক মন্দার সময় ও বাংলাদেশের অর্থনীতিতে তেমন কোন প্রভাব দেখা যায় নাই।

১.২: অভিবাসনের বিভিন্ন ধাপে পুনঃ একত্রীকরণের ক্ষেত্রে অভিবাসীদের সমস্যা

আমাদের দেশের বিদেশগামীরা প্রায়শঃই লাভক্ষতি হিসেব না করে ও পারিবারের সঙ্গে আলোচনা করে সিদ্ধান্ত না নিয়ে বিদেশ যাওয়ার উদ্যোগ গ্রহণ করেন। অধিক অভিবাসন ব্যয়ের বিপরীতে স্বল্পমেয়াদী ও কম বেতনে অভিবাসন গ্রহণ করেন। ফলে দীর্ঘদিন বিদেশ থাকার পর দেশে ফিরে আসার পরও আর্থিক ক্ষেত্রে কাজিত সাফল্য লাভ করতে পারেন না। বিদেশ যাওয়ার/গমনের আগে প্রশিক্ষণ গ্রহণ না করার ফলে গন্তব্য দেশে করণীয় ও বর্জনীয় সম্পর্কে বিস্তারিত ধারণা রাখেন না, ফলশ্রুতিতে বিদেশে বিভিন্ন ধরনের হয়রানি ও নির্যাতনের শিকার হন। এছাড়াও অধিকাংশ অভিবাসী শ্রমিকের নেই রেমিটেন্স ব্যবস্থাপনা বিষয়ে সুষ্ঠু ধারণা ও প্রয়োজনীয় প্রশিক্ষণ। রেমিটেন্স ব্যস্থাপনার পরিকল্পনা না থাকায় প্রেরিত অর্থের সিংহভাগই তাদের পরিবারের দৈনন্দিন প্রয়োজনে ব্যয় হয়ে যায়। যাদের সামান্য পরিমাণ সঞ্চয় আছে তারা উৎপাদনমূলক খাত নির্বাচন ও যথাযথভাবে বিনিয়োগ না করতে পারায় আশানুরূপভাবে লাভবান হতে পারেন না। বেশিরভাগ অভিবাসীদের জীবনে দেখা যায়- দীর্ঘদিন বিদেশে থাকার পরেও অভিবাসন শেষে তারা প্রায় শূন্য হাতে দেশে ফিরে আসেন। পর্যাপ্ত সঞ্চয় না থাকায় অভিবাসন শেষে হিসেব কষে দেখেন যে এই অভিবাসন তার জীবনমান উন্নয়নে কোন প্রভাব রাখতে পারেনি। ফলে দেশে ফিরে এসে তিনি আবার নতুন করে ঘুরে দাঁড়ানোর প্রচেষ্টা শুরু করেন। বাস্তবিক অর্থে যথাযথভাবে পূর্বপ্রস্তুতি না থাকায় এই ধাপে এসে ফেরত অভিবাসীরা সামাজিক ও অর্থনৈতিকভাবে রি-ইন্টিগ্রেশন তথা পুনঃপ্রতিষ্ঠা পেতে অবিরাম চেষ্টা চালান। বিভিন্ন সার্ভে ও কেস স্টোরি পর্যালোচনা করলে দেখা যায় ফেরত অভিবাসীদের রি-ইন্টিগ্রেশনের ক্ষেত্রে নিম্নোক্ত অন্তরায়সমূহ পরিলক্ষিত হচ্ছে। যথা:

- ফেরত আসা অভিবাসীরা তাদের কষ্টার্জিত রেমিটেন্স কোন উৎপাদনমূলক খাতে ব্যবহার করার সদুপায় জানে না ফলে তারা বেশিরভাগ ক্ষেত্রে রেমিটেন্সের সদ্যবহার করতে পারে না। যার ফলে কিছুদিনের মধ্যেই আর্থিক সংকটে পড়ে।


- অর্থনৈতিক উন্নয়নে বিভিন্ন সংস্থা সহায়তা প্রদান করে থাকে। ফেরত আসা অভিবাসীদের এ সম্পর্কিত কোন তথ্য জানা থাকে না।
- পর্যাপ্ত স্বপ্ন না থাকায় কোন আয়বৃদ্ধিমূলক কাজ শুরু করতে পারেন না। যাদের স্বপ্ন কিছু পুঁজি আছে, তারা আরও প্রয়োজনীয় পুঁজির সংস্থান করতে পারে না, ফলে আয়বৃদ্ধিমূলক কার্যক্রম শুরু করতে আত্মহ পান না।
- ড্রাইভিং, কনস্ট্রাকশন, পাইপ ফিটিংস, ওয়েল্ডিং বা টাইলসের কাজে বিদেশের চেয়ে দেশে সামাজিক লোকলজ্জা ও তুলনামূলকভাবে কম বেতন হওয়ায় এ সকল কাজে জড়িত হতে অনগ্রহ দেখান। কিছু কিছু কাজের অর্জিত অভিজ্ঞতা (যেমন- সেলসম্যান, খেজুর বাগানের শ্রমিক ও মালয়েশিয়ার পাম বাগানে কাজের অভিজ্ঞতা) দেশে কাজে লাগাতে পারেন না।
- রিটার্নিদের দ্বারা পরিচালিত উল্লেখযোগ্য কোন সফল প্রকল্প না থাকায় লোকসানের ভয়ে অধিকাংশ ফেরত অভিবাসী বিনিয়োগে ঝুঁকি নিতে আত্মহ প্রকাশ করেন না।
- নিরাপদ কর্মপরিবেশ না থাকা, সামাজিক লোকলজ্জা ও বেতন কম হওয়ার কারণে যে সব নারী শ্রমিক হাউজ কিপিং বা কেয়ার গিভার এর কাজে বিদেশ ছিলেন তারা দেশে ফিরে এসে এই কাজের সঙ্গে পুনরায় জড়াতে চান না।
- রি-ইন্ট্রিশনে আত্মহীদের সংগঠিত করে যথাযথ বিষয়ে প্রশিক্ষণ প্রদান, প্রয়োজনীয় পুঁজি সরবরাহ ও অন্যান্য সুযোগ প্রাপ্তিতে প্রয়োজনীয় সরকারি ও বেসরকারি পৃষ্ঠপোষকতা না থাকা ইত্যাদি।
- দীর্ঘদিন বিদেশে থাকার কারণে দেশে ফিরে এসে হঠাৎ করে সামাজিক পরিবেশ তথা পরিবার ও নিকট আত্মীয়ের সঙ্গে নিজেকে সহজে খাপ খাওয়াতে কষ্টকর হয়। বিশেষ করে নারী শ্রমিকদের প্রতি নেতিবাচক সামাজিক দৃষ্টিভঙ্গির ফলে ফিরে আসার পরে তাদেরকে পরিবারে ও সমাজে মানিয়ে নিতে প্রতিবন্ধকতার মুখোমুখি হতে হয়।
- সংস্থা সহায়তা প্রদান করে থাকে। ফেরত আসা অভিবাসীদের এ সম্পর্কিত কোন তথ্য জানা থাকে না।
- বিদেশে কর্মরত থাকা অবস্থায় অভিবাসীরা বিভিন্ন স্বাস্থ্যগত ঝুঁকিতে (অঙ্গহানি, যক্ষা, যৌন রোগ, মানসিক সমস্যা) পড়েন। দেশে ফিরে আসার পর কোনরকম স্বাস্থ্যসেবা সুবিধা তারা পায় না।
- যারা জোরপূর্বক বিদেশ থেকে প্রেরিত হন, তারা প্রায়ই নিঃস্ব অবস্থায় দেশে আসেন। তাদের সমস্যাগুলোর তাৎক্ষণিক সমাধান করার জন্য দেশে কোন জরুরি সেবা প্রক্রিয়া (ওয়ান স্টপ) বর্তমানে নেই।
- বহুদিন বিদেশে থাকার ফলে পরিবারের সদস্যদের সঙ্গে দূরত্বের সৃষ্টি হয়। যা স্বাভাবিক পারিবারিক জীবনকে ব্যাহত করে।
- ফেরত আসা অভিবাসী বিশেষত নারী আভিবাসীগণ নানা ধরনের বৈষম্যের শিকার হয়ে থাকে।
- অধিকাংশ প্রতারণিত অভিবাসীই প্রয়োজনে আইনি সহায়তা পান না। এমনকি তারা জানেন না কিভাবে আইনি সহায়তা পাওয়া যেতে পারে।

১.৩: নিরাপদ অভিবাসন, পুনঃএকত্রীকরণের ধরণ এবং প্রয়োজনীয়তা

নিরাপদ অভিবাসন:

নিরাপদ অভিবাসন বলতে কেবলমাত্র যাত্রাপথে বা গন্তব্যে অভিবাসীর নিরাপত্তাকে বোঝায় না; নিরাপদ অভিবাসন বলতে বোঝায় অভিবাসীর নিরাপদ প্রত্যাবর্তন, পরিবার ও সমাজে পুনঃএকত্রীকরণ এবং সর্বোপরি অভিবাসনের মাধ্যমে অর্জিত সাফল্যের দীর্ঘমেয়াদী স্থায়িত্ব। অর্থাৎ নিরাপদ অভিবাসন মাত্রই সফল অভিবাসন যা ব্যক্তিকে তার জীবনযাত্রার মান উন্নয়নে যোগায় টেকসই ভিত্তি।

(দ্রষ্টব্য: নিরাপদ অভিবাসনবিষয়ক প্রশিক্ষণ ম্যানুয়াল- আইওএম থেকে নেওয়া)



নিরাপদ অভিবাসন চক্র/প্রক্রিয়া

অভিবাসন চক্রে প্রধান তিনটি ধাপ রয়েছে; যথা: বিদেশ যাওয়ার আগের ধাপ, বিদেশে চাকরি নিয়ে অবস্থানকালীন ধাপ ও বিদেশ থেকে ফিরে আসার পরের ধাপ; যেখানে পরিবার ও অর্থনৈতিক কাজের সঙ্গে পুনঃএকত্রীকরণ বিষয়টি রয়েছে। অভিবাসীরা বিদেশে চাকরি শেষে একটি নির্দিষ্ট মেয়াদান্তে দেশে ফিরে আসেন। যদি পুনরায় অভিবাসন গ্রহণ না করেন তাহলে এটি একজন অভিবাসী শ্রমিকের অভিবাসন প্রক্রিয়ার চূড়ান্ত বা শেষ ধাপ। চূড়ান্তভাবে ফিরে আসার এই ধাপটি তাকে সামাজিক ও আর্থিকভাবে রি-ইন্টিগ্রেশন সূচনা করার ইঙ্গিত দেয়। স্বাভাবিকভাবে অভিবাসীদের দেশে ফিরে আসার অন্যতম কারণ হল কাজের চুক্তির মেয়াদ শেষে দেশে প্রত্যাবর্তন। তবে বয়সসীমা বা শারীরিক অসুস্থতাজনিত কারণেও কেউ কেউ দেশে ফেরত আসতে বাধ্য হন। তাছাড়া কর্মক্ষেত্রে ভিসা বা অন্যান্য কাগজপত্রসংক্রান্ত সৃষ্ট জটিলতা, রাজনৈতিক অচলাবস্থা বা যুদ্ধবিগ্রহ কিংবা নির্যাতন ও প্রতারণার শিকার হয়ে অভিবাসীর দুর্ভাগ্যবশত দেশে ফিরে আসতে বাধ্য হয়।

ইন্টারন্যাশনাল অর্গানাইজেশন ফর মাইগ্রেশন (আইওএম) এর মতে রি-ইন্টিগ্রেশন হল 'Reintegration or re-incorporation of a migrant into the society of his/her Country' (IOM:2005). ইংরেজি রি-ইন্টিগ্রেশন শব্দের অর্থ হল পুনঃএকত্রীকরণ বা পুনঃঅঙ্গীভূতকরণ। অভিবাসন চক্রের ধাপ অনুযায়ী একজন অভিবাসীকে নিরাপদে প্রত্যাবর্তন করার পর এই

ধাপে তাকে সামাজিক ও অর্থনৈতিক কর্মকাণ্ডে পুনরায় একত্রীকরণ হয়ে যাওয়ার কথা বলে। বিভিন্ন গবেষণায় দেখা যায় একজন অভিবাসী শ্রমিকের দীর্ঘদিন বিদেশে থাকার পর দেশে ফিরে এসে পরিবর্তিত পরিবেশের সঙ্গে নিজেকে সহজে খাপ খাওয়াতে কিছুটা কষ্টকর হয়। বিশেষ করে পরিবারের ও সমাজে নিজেকে মানিয়ে নিতে ইতঃস্ততবোধ করেন। এছাড়াও অর্জিত অভিজ্ঞতা ও পুঁজি বিনিয়োগের ক্ষেত্রে পর্যাপ্ত ধারণা ও সঠিক নির্দেশনা না থাকায় প্রায়ই সিদ্ধান্তহীনতায় ভোগেন।

পুনঃএকত্রীকরণের ধরণ

পুনঃএকত্রীকরণ মূলত দু ধরনের সামাজিক এবং অর্থনৈতিক।

সামাজিক পুনঃএকত্রীকরণ:

দীর্ঘদিন বিদেশে থাকার পর দেশে ফিরে এলে একজন অভিবাসী কর্মীকে তার পরিবার ও সমাজের মানুষের সঙ্গে মানিয়ে চলতে হয়। তাই ফিরে-আসা শ্রমিকের জন্য প্রয়োজন সামাজিক পুনঃএকত্রীকরণ বা সোস্যাল রি-ইন্টিগ্রেশন, অর্থাৎ পরিবারে ও সমাজে সবার সঙ্গে আগের মতো মিলেমিশে জীবনযাপন।

সমাজের সবার সঙ্গে আবারও আগের মতো করে মেলামেশার জন্য একজন অভিবাসী শ্রমিকের যেমন দায়িত্ব আছে, তেমনি দায়িত্ব রয়েছে পরিবার, সরকার ও সবার। বিদেশে ফেরত অভিবাসীকে মনে রাখতে হবে, দীর্ঘদিন দূরে থাকার জন্য তার কাছের মানুষগুলোর সঙ্গে মানসিক দূরত্ব সৃষ্টি হতে পারে, ভাল বোঝাপড়ার মাধ্যমে এই দূরত্ব দূর করা সম্ভব। বিশেষত বিদেশে ফেরত নারী অভিবাসী কর্মীদের এ ধরনের সমস্যায় বেশি করে পড়তে হয়। মনে রাখতে হবে, মর্যাদার দিক দিয়ে সবাই সমান, বিদেশে ফেরত কারও সঙ্গে বৈষম্য করা যাবে না, অপবাদ দেওয়া যাবে না। প্রয়োজনে আইনের সহযোগিতা নিতে হবে। এ ছাড়াও যদি কেউ বিদেশ থেকে বিশেষভাবে ক্ষতিগ্রস্ত হয়ে ফেরত আসে, তবে তাদের জন্য রয়েছে সরকার, ব্র্যাক ও বিভিন্ন প্রতিষ্ঠানের প্রয়োজনীয় কার্যক্রম।

অর্থনৈতিক পুনঃএকত্রীকরণ

অর্থনৈতিক পুনঃএকত্রীকরণ: অভিবাসন চক্রের ধাপ অনুযায়ী একজন অভিবাসীকে নিরাপদে প্রত্যাবর্তন করার পর দেশেই অর্থনৈতিক কর্মকাণ্ডে যুক্ত হওয়াকে পুনঃএকত্রীকরণ বলা হয়।

অভিবাসনের মাধ্যমে উপার্জিত অর্থ দেশে ফিরে যথাযথভাবে ব্যবহার না করলে, অভিবাসন করেও সাফল্য পাওয়া যায় না। অভিবাসনকে পুরোপুরি সফল করার জন্য দেশে ফিরে উপার্জিত অর্থের সঠিক বিনিয়োগ করতে হবে এবং বেকার হয়ে বসে না থেকে নিজের দক্ষতা ও যোগ্যতা অনুযায়ী কাজে যোগ দেওয়া উচিত। দেশে ফিরে উপার্জিত অর্থের সঠিক বিনিয়োগ করা ও নিজের যোগ্যতা অনুযায়ী কাজে যোগ দিয়ে, নিজের ও পরিবারের অর্থনৈতিক সচ্ছলতা ধরে রাখা হল অর্থনৈতিক পুনঃএকত্রীকরণ।

সঠিক বিনিয়োগের ক্ষেত্র হতে পারে বিভিন্ন ধরনের ক্ষুদ্র ও মাঝারি ব্যবসা। এ বিষয়ে সরকার ও ব্র্যাকসহ বিভিন্ন প্রতিষ্ঠান পরামর্শ ও ঋণ দিয়ে সহায়তা করতে পারে। ব্র্যাক বিদেশে ফেরত অভিবাসী শ্রমিকদের সহযোগিতা করার জন্য বিভিন্ন কার্যক্রম গ্রহণ করছে। এ দেশে সমবায়ভিত্তিক বিভিন্ন বড় উদ্যোগের উদাহরণ আছে, বিদেশে ফেরত অভিবাসী শ্রমিকেরা একত্র হয়ে এ ধরনের কার্যক্রম হাতে নিতে পারে।

১.৪: পুনঃএকত্রীকরণের ক্ষেত্রে অভিবাসীদের চাহিদা এবং বিদ্যমান/প্রয়োজনীয় সেবাসমূহ চিহ্নিতকরণ

পুনঃ একত্রীকরণের চলমান সরকারি ও বেসরকারি উদ্যোগসমূহ:

দেশের অর্থনীতিতে বিশেষ করে জাতীয় উন্নয়নে অভিবাসন সেক্টর গুরুত্বপূর্ণ ভূমিকা পালন করলেও এই ইস্যুতে সরকারের সঙ্গে স্বল্পসংখ্যক হাতেগোনা বেসরকারি প্রতিষ্ঠান ও আন্তর্জাতিক প্রতিষ্ঠান কাজ করছে যা অভিবাসীদের প্রয়োজনের তুলনায় খুবই কম। এসব প্রতিষ্ঠানসমূহ অভিবাসনের প্রথম দুটি ধাপ অর্থাৎ বিদেশ যাওয়ার আগের ধাপে কি কি প্রস্তুতি গ্রহণ ও বিদেশ অবস্থানকালীন

ধাপে কী কী করণীয় এ বিষয়ে চাহিদা অনুযায়ী যথাসাধ্য পরামর্শ ও সহযোগিতা করছে। তবে অভিবাসন শেষে দেশে ফেরত আসার পর একজন অভিবাসীর কী ধরনের চাহিদা রয়েছে, সে বিষয়টি এখন পর্যন্ত গুরুত্বের সঙ্গে চিহ্নিত করা হয়নি এবং রি-ইন্টিগ্রেশনে উল্লেখযোগ্য প্রাতিষ্ঠানিক উদ্যোগ নেই বললেই চলে।

সরকার ২০১১ সালের রি-ইন্টিগ্রেশনের উদ্দেশ্যে প্রবাসী কল্যাণ ব্যাংকের কার্যক্রম শুরু করে। অভিবাসনপ্রবণ ২৮টি জেলায় ব্যাংকের শাখা স্থাপনের মাধ্যমে বিদেশগামীদের অভিবাসন ঋণ প্রদান, বিদেশ ফেরতদের জন্য রি-ইন্টিগ্রেশন ঋণ প্রদান এবং বিদেশে অবস্থানরতদের প্রেরিত রেমিটেন্স স্বল্প খরচে ও সহজে তাদের পরিবারের সদস্যদের কাছে পৌঁছে দেওয়া হচ্ছে। তবে এই উদ্যোগে সীমাবদ্ধতা হল ব্যাংকটির পর্যাপ্তসংখ্যক শাখা না থাকায় তৃণমূলপর্যায়ের সুবিধাভোগীরা সহজে প্রয়োজনীয় ঋণ পান না এবং ব্যাংকের সেবা বিষয়ে যথেষ্ট তথ্য জানেন না। বিষয়টির গুরুত্ব অনুধাবন করে বেসরকারি উন্নয়নভিত্তিক সংস্থা ব্র্যাক তাদের মাইগ্রেশন প্রোগ্রামের অধীনে রি-ইন্টিগ্রেশন নিয়ে ইতিমধ্যে কিছু কার্যক্রম শুরু করেছে। ব্র্যাক গণনাটক, ভিডিও প্রদর্শন ও তথ্য উপকরণের মাধ্যমে সচেতনতাবৃদ্ধিসহ বিদেশ থেকে ফিরে এসে কী করণীয়, রেমিটেন্সের সুষ্ঠু ব্যবহার করতে পরামর্শ এবং বিদেশফেরত অভিবাসীদেরকে আয়বৃদ্ধিমূলক কাজে উৎসাহিত করছে। বিদেশ থেকে রেমিটেন্স প্রেরণের নিরাপদ মাধ্যম কী, রেমিটেন্স বিনিয়োগের সম্ভাবনাময় খাত ও এর ব্যবস্থাপনা বিষয়ে অভিবাসী পরিবারের সদস্যদের নিয়ে মাঠ পর্যায়ে উঠান বৈঠক করছে। তবে রি-ইন্টিগ্রেশনের ক্ষেত্রে আরও চাহিদা রয়েছে।

অধিবেশন ৩
বিদেশফেরত অভিবাসী চিহ্নিতকরণ ও
সেবা চাহিদা নিরূপণ



বিদেশফেরত অভিবাসী চিহ্নিতকরণ ও সেবা চাহিদা নিরূপণ

অধিবেশন ৩

উদ্দেশ্য	এই অধিবেশন শেষে: ১. অংশগ্রহণকারীগণ বিদেশ ফেরত অভিবাসী চিহ্নিত করার কৌশল ও প্রক্রিয়া বর্ণনা করতে পারবেন। ২. বিদেশফেরত অভিবাসীদের সেবা সম্পর্কিত চাহিদা নিরূপণ করতে পারবেন।
সময়	১ ঘন্টা ৩০ মিনিট
উপকরণসমূহ	পোস্টার পেপার, মার্কার, প্রশ্নপত্র, মাল্টিমিডিয়া

ধাপ	উপবিষয়	পদ্ধতি	সময়
১	বিদেশফেরত অভিবাসী চিহ্নিত করার প্রয়োজনীয়তা ও বিদেশফেরত অভিবাসী চিহ্নিত করার উপায়সমূহ	অংশগ্রহণমূলক আলোচনা ও দলীয় অনুশীলন	৩৫ মিনিট
২	তথ্যসংগ্রহ প্রশ্নমালা পরিচিতি ও তথ্যসম্মিলন	হাতে কলমে তথ্যফর্ম পূরণ, প্রশ্নোত্তর ও আলোচনা	৪০ মিনিট
৩	সেবা সম্পর্কিত চাহিদা নিরূপন প্রক্রিয়া	বক্তৃতা ও পাওয়ার পয়েন্ট প্রেজেন্টেশন	১০ মিনিট
৪	সারসংক্ষেপ		৫ মিনিট

অধিবেশন পরিচালন প্রক্রিয়া

ধাপ: ১	বিদেশফেরত অভিবাসী চিহ্নিত করার প্রয়োজনীয়তা ও বিদেশফেরত অভিবাসী চিহ্নিত করার উপায়সমূহ	অংশগ্রহণমূলক আলোচনা ও দলীয় অনুশীলন	৩৫ মিনিট
--------	---	-------------------------------------	----------

বিদেশফেরত অভিবাসী চিহ্নিত করার প্রয়োজনীয়তা

- অংশগ্রহণকারীদের কাছে জানতে চাওয়া যেতে পারে বিদেশফেরত অভিবাসী চিহ্নিত করা কেন প্রয়োজন? প্রশ্নোত্তরের মাধ্যমে দু-একজন অংশগ্রহণকারীর উত্তর শোনা যেতে পারে।
- এ বিষয়ে তাদের মতামত বোর্ড/পোস্টার পেপার/ফ্লিপচার্টে লিখা যেতে পারে
- অংশগ্রহণকারীদের উত্তরগুলোর সঙ্গে মিলিয়ে বলুন- বিদেশফেরত অভিবাসী চিহ্নিত করার প্রয়োজনীয়তা সম্পর্কে বলা যেতে পারে।

অংশগ্রহণকারীদের নিচের বিষয়গুলো বলতে পারেন:

- দেশের দ্বিতীয় বৈদেশিক মুদ্রা অর্জনকারী খাত হচ্ছে আন্তর্জাতিক শ্রম অভিবাসন অর্থাৎ যারা বিদেশে কর্মী হিসেবে কাজ করেন। কিন্তু দেশে ফিরে আসার পর অভিবাসীদের জন্য সরকারি-বেসরকারি পর্যায়ে কোন নীতিমালা এখনও সেভাবে তৈরি হয়নি।
- যেহেতু বিদেশফেরত অভিবাসীদের জন্য কোন নীতিমালা নেই, তাই তাদের প্রয়োজনীয় সেবা বা সুযোগ নিশ্চিত করা হচ্ছে না।
- আবার সেবা বা সুযোগ নিশ্চিত করতে হলে জানতে হবে কার কোথায় সেবা বা সুযোগ দরকার। এ জন্য প্রয়োজনে তাদেরকে চিহ্নিত করতে হবে।

বিদেশফেরত অভিবাসী চিহ্নিত করার উপায়সমূহ

- অংশগ্রহণকারীদের বলা যেতে পারে, পূর্বের আলোচনা বিদেশফেরত অভিবাসী চিহ্নিত করার প্রয়োজন সম্পর্কে জানলাম। এখন কী কী উপায়ে বিদেশফেরত অভিবাসী চিহ্নিত করা যায় সে বিষয়ে আলোচনা করা যেতে পারে।
- এ পর্যায়ে অংশগ্রহণকারীদের ৪টি দলে ভাগ করে এবং দলগুলোকে নিজেদের মধ্যে কোথায় এবং কিভাবে বিদেশফেরত অভিবাসীদের চিহ্নিত করতে পারি আলোচনা করার জন্য বলা যেতে পারে।
- আলোচনা শেষে তা পোস্টার পেপারে লিখতে বলা যেতে পারে।
- দলীয় আলোচনা শেষে ৪টি কাজ সম্বলিত পোস্টার মেঝেতে বিছিয়ে অংশগ্রহণকারীদের গোল করে দাড়াতে বলা যেতে পারে এবং সকলের মতামতের ভিত্তিতে উপায়সমূহ চিহ্নিত করা যেতে পারে।
- সবশেষে অংশগ্রহণকারীদের নিচের বিষয়গুলো বলা যেতে পারে:
 - কোথা থেকে এবং কিভাবে জানা যেতে পারে কারা অভিবাসী, কোন দেশে অভিবাসন করেছিলেন, কী কাজ করতেন ইত্যাদি
 - বিশেষ করে ইউনিয়ন পরিষদ এবং এলাকার মানুষজনের কাছ থেকে জানা যেতে পারে
 - অনেক সময় বিমানবন্দর থেকেও তথ্য সংগ্রহ করা যেতে পারে।

ধাপ: ২	তথ্যসংগ্রহ প্রশ্নমালা পরিচিতি ও তথ্য সন্নিবেশন	হাতে কলমে তথ্যফর্ম পূরণ, প্রশ্নোত্তর ও আলোচনা	৪০ মিনিট
--------	--	---	----------

তথ্যসংগ্রহ প্রশ্নমালা পরিচিতি

- এ পর্যায়ে প্রথমে মডিউলে সংযুক্ত তথ্যসংগ্রহ প্রশ্নমালা পরিচিতি করানো যেতে পারে।
- প্রশ্নমালাসংক্রান্ত কোন ধরনের অস্পষ্টতা থাকলে অংশগ্রহণমূলক আলোচনার মাধ্যমে অস্পষ্টতা দূর করা যেতে পারে।

তথ্য সন্নিবেশন

- এ পর্যায়ে সহায়ক অংশগ্রহণকারীদের কিভাবে তথ্য সন্নিবেশন করতে হবে সে সম্পর্কে বিস্তারিত ব্যাখ্যা করা যেতে পারে।
- শেষে প্রশ্নোত্তরের মাধ্যমে অংশগ্রহণকারীদের ধারণা জানা যেতে পারে।

ধাপ: ৩	সেবাসম্পর্কিত চাহিদা নিরূপন প্রক্রিয়া	উপস্থাপনা, পাওয়ার পয়েন্ট প্রেজেন্টেশন	১০ মিনিট
--------	--	---	----------

- এ অংশে তথ্যভান্ডার থেকে কিভাবে সেবা চাহিদা নিরূপন করা হবে তা উপস্থাপন এবং ব্যাখ্যা করা যেতে পারে।
- এ সম্পর্কে অংশগ্রহণকারীদের কোন বিষয় জানার থাকলে তা জানানো যেতে পারে।

ধাপ: ৪	সারসংক্ষেপ	অংশগ্রহণমূলক আলোচনা	৫ মিনিট
--------	------------	---------------------	---------

- অংশগ্রহণকারীদের সঙ্গে প্রশ্নোত্তরের মাধ্যমে অধিবেশনের আলোচ্য বিষয়গুলো সংক্ষেপে আলোচনা করা যেতে পারে।
- অধিবেশনের শুরু থেকে শেষ পর্যন্ত যা যা আলোচনা হয়েছে তা আরও একবার প্রশ্নোত্তরের মাধ্যমে যাচাই করা যেতে পারে।
- অধিবেশন সারসংক্ষেপ করার পর সকলকে অধিবেশনে সহযোগিতা করার জন্য ধন্যবাদ জানিয়ে অধিবেশন শেষ করা যেতে পারে।

বিদেশফেরত অভিবাসী চিহ্নিতকরণ ও সেবা চাহিদা নিরূপন

সহায়ক পাঠোপকরণ

বিদেশফেরত অভিবাসীদের চিহ্নিত করার প্রয়োজনীয়তা:

দেশের দ্বিতীয় বৈদেশিক মুদ্রা অর্জনকারী খাত হচ্ছে আন্তর্জাতিক শ্রম অভিবাসন অর্থাৎ যারা বিদেশে কর্মী হিসেবে কাজ করেন। দেশের অর্থনীতিতে যাদের অবদান অনস্বীকার্য সেই অভিবাসীরা দেশে ফেরত আসার পর অনেকটাই অসহায় হয়ে পড়ে। তখন একজন অভিবাসীর নিরাপদ ও সুস্থ জীবনের জন্য অর্থনৈতিক ও সামাজিক সাহায্যের প্রয়োজন। অনেকক্ষেত্রে দেখা যায় অভিবাসীদের মধ্যে অনেকে আছেন যারা প্রতারিত, নির্যাতিত হয়ে কিংবা নিঃস্ব হয়ে দেশে ফেরত আসেন। সেক্ষেত্রে তাৎক্ষণিকভাবে তাঁর জরুরি সেবার প্রয়োজন হয়। এক্ষেত্রে জরুরি সেবা স্বাস্থ্যগত অথবা আইনি দুটোই হতে পারে।

কিন্তু দেশে ফিরে আসার পর অভিবাসীদের জন্য সরকারি-বেসরকারি পর্যায়ে কোন নীতিমালা এখনও সেভাবে তৈরি হয়নি। যেহেতু বিদেশফেরত অভিবাসীদের জন্য কোন নীতিমালা নেই, তাই তাদের প্রয়োজনীয় সেবা বা সুযোগ নিশ্চিত করা হচ্ছে না।

আবার অনেকে আছেন যারা বিদেশে সফলভাবে থেকে অর্থ উপার্জন করে দেশে ফিরে কোথায় বিনিয়োগ করবেন তাই জানেন না বরং সঠিক সময়ে সিদ্ধান্ত গ্রহণ না করার ফলে কষ্টে উপার্জিত টাকা খরচ হয়ে যায়। যা কিনা একজন অভিবাসীর সারাজীবনের কষ্টকে ধুলিসাৎ করে দেয়।

যারা দেশের উন্নয়নে এমন গুরুত্বপূর্ণ অবদান রাখছেন তাদের সহযোগিতা প্রদান করার লক্ষ্যে তাদের চিহ্নিত করা প্রয়োজন। তাদের চিহ্নিত করা গেলে প্রয়োজন অনুযায়ী রেফারেল সার্ভিসের মাধ্যমে অর্থনৈতিক, সামাজিক, আইনি সহায়তা, মনো-সামাজিক পরামর্শ, দক্ষতার প্রশিক্ষণ প্রদান করা যাবে।

তাদের উন্নয়নের জন্য সেবাদানকারী প্রতিষ্ঠানসহ সরকারি উদ্যোগ বাড়ানোর জন্য এ্যাডভোকেসি করা সহজ হবে।

তাদের জন্য সেবা বা সুযোগ নিশ্চিত করতে হলে জানতে হবে কার কোথায় সেবা বা সুযোগ দরকার। এ জন্য প্রয়োজনে তাদেরকে চিহ্নিত করতে হবে।

বিদেশফেরত অভিবাসীদের চিহ্নিত করার উপায়: বিদেশফেরত অভিবাসীদের চিহ্নিতকরণ উপায় হিসেবে বিমানবন্দর, ইউনিয়ন পরিষদ থেকে তথ্য সংগ্রহ করা যেতে পারে। এছাড়া এলাকার লোকজনের কাছ থেকে জানা যেতে পারে। এক্ষেত্রে সংযুক্ত ফরমেট ব্যবহার করা যেতে পারে।

সেবা চাহিদা নিরূপণ প্রশ্নমালা

(বিদেশফেরত অভিবাসীর জন্য প্রযোজ্য)

মাইগ্রেশন প্রোগ্রাম

ব্র্যাক

১. বিদেশফেরত অভিবাসী কর্মীর ব্যক্তিগত তথ্য:

ক্রমিক নং

নাম: গ্রাম:
পিতার নাম: ইউনিয়ন:
মাতার নাম: উপজেলা:
মোবাইল নম্বর: জেলা:
শিক্ষাগত যোগ্যতা: স্বামী/স্ত্রীর নাম:
পরিবারের আয়: সন্তানের সংখ্যা : ছেলে..... মেয়ে.....
পরিবারের ব্যয়:
পরিবারে উপার্জনকারী সদস্য সংখ্যা :..... পুরুষ..... মহিলা.....

২. অভিবাসনসংক্রান্ত তথ্য:

২.১. আপনার পাসপোর্ট নম্বর:
২.২. আপনি কোন দেশে গিয়েছিলেন?
২.৩. আপনি সেখানে কী কাজ করতেন?
২.৪. দেশে কবে ফিরেছেন?
২.৫. দেশে ফেরার কারণ কি?
২.৬. সেখানে কি আপনি নিয়মিত বেতন পেতেন? হ্যাঁ ☐ না ☐
২.৭. আপনি উপার্জিত অর্থ সঞ্চয় করতে পেরেছিলেন? হ্যাঁ ☐ না ☐
২.৭.১. হ্যাঁ হলে, কিভাবে?
২.৭.২. না হলে, কেন করতে পারেননি?
২.৮. আপনি পুনরায় অভিবাসন করবেন কি? হ্যাঁ ☐ না ☐
২.৮.১. হ্যাঁ হলে, পুনরায় অভিবাসনের জন্য কী কী বিষয়ের উপর গুরুত্ব দেবেন?

৩. বিদেশফেরত অভিবাসী কর্মীর উপার্জন ও অন্যান্য কর্মকাণ্ড:

৩.১. এখন আপনি কী কাজ করছেন?

৩.২. আপনার উপার্জিত অর্থ দিয়ে কোন আয় বর্ধনমূলক কাজ করেছেন? হ্যাঁ ☐ না ☐

৩.২.১. হ্যাঁ হলে, কিভাবে কাজে লাগিয়েছেন?

৩.২.২. না হলে, কিভাবে কাজে লাগাতে চান?

৩.৩. আপনি কি মনে করেন আয়বর্ধনমূলক কাজের জন্য প্রশিক্ষণ প্রয়োজন আছে? হ্যাঁ ☐ না ☐

৩.৩.১. হ্যাঁ হলে, কী ধরনের প্রশিক্ষণ প্রয়োজন?

৩.৪. আপনি কি মনে করেন আয়বর্ধনমূলক কাজের জন্য অন্যান্য সহযোগিতার বা সুবিধার প্রয়োজন আছে? হ্যাঁ ☐ না ☐

৩.৪.১. হ্যাঁ হলে, কী ধরনের সহযোগিতার বা সুবিধার প্রয়োজন?

৪. পরামর্শবিষয়ক সেবা/সহযোগিতা:

৪.১. একজন অভিবাসী কর্মী হিসেবে ফিরে আসার পর দেশে কোনো সমস্যার সম্মুখীন হয়েছিলেন কি? হ্যাঁ ☐ না ☐

৪.১.১. হ্যাঁ হলে, তা উল্লেখ করুন.....

৪.২. একজন অভিবাসী কর্মী হিসেবে বিদেশে কোন প্রকার মানসিক/শারীরিক/যৌন নির্যাতনের শিকার হয়েছিলেন?

হ্যাঁ ☐ না ☐

৪.২.১. হ্যাঁ হলে, কি ধরনের নির্যাতন?

৪.৩. একজন বিদেশফেরত অভিবাসী কর্মী হিসেবে পরিবারে ও সমাজে কোন প্রকার মানসিক নির্যাতনের শিকার হয়েছেন কি? হ্যাঁ ☐ না ☐

৪.৩.১. হ্যাঁ হলে, কি ধরনের নির্যাতন?

৪.৪. আপনি কি মনে করেন একজন বিদেশফেরত অভিবাসী কর্মীর জন্য মনোঃসামাজিক পরামর্শ প্রয়োজন?

হ্যাঁ ☐ না ☐

৪.৫. আপনি কি মনে করেন একজন বিদেশফেরত অভিবাসী কর্মীর জন্য আইনি সহায়তাবিষয়ক পরামর্শ প্রয়োজন?

হ্যাঁ ☐ না ☐

৪.৫.১. হ্যাঁ হলে, কি ধরনের পরামর্শ প্রয়োজন?

৪.৬. একজন বিদেশফেরত অভিবাসী কর্মীর কী কী স্বাস্থ্যজনিত সমস্যা হতে পারে?.....

৪.৬.১. আপনি কি মনে করেন একজন বিদেশফেরত অভিবাসী কর্মীর জন্য স্বাস্থ্যসেবার প্রয়োজন আছে?

হ্যাঁ ☐ না ☐

৪.৬.২. হ্যাঁ হলে, কী ধরনের পরামর্শ প্রয়োজন?

আপনাকে অনেক ধন্যবাদ।

তথ্য সংগ্রহকারীর নাম:.....স্বাক্ষর:.....তারিখ:.....

সুপারভাইজারের নাম:.....স্বাক্ষর:.....তারিখ:.....

অধিবেশন ৪ প্রশিক্ষণ মূল্যায়ন ও সমাপন



প্রশিক্ষণ মূল্যায়ন ও সমাপন

অধিবেশন ৪

উদ্দেশ্য	এই অধিবেশন শেষে: ১. অংশগ্রহণকারীগণ প্রশিক্ষণ সম্পর্কে নিজেদের মতামত ব্যক্ত ও প্রশিক্ষণ মূল্যায়ন করতে পারবেন।
সময়	৩০ মিনিট
উপকরণসমূহ	ফরম

ধাপ	উপবিষয়	পদ্ধতি	সময়
১	প্রশিক্ষণ মূল্যায়ন	ফরমেট পূরণ ও আলোচনা	২০ মিনিট
২	সমাপনী	অনুভূতি ব্যক্ত করা ও আলোচনা	১০ মিনিট

অধিবেশন পরিচালন প্রক্রিয়া

ধাপ: ১	প্রশিক্ষণ উত্তর ধারণা যাচাই ও প্রশিক্ষণ মূল্যায়ন	ফরমেট পূরণ ও আলোচনা	২০ মিনিট
--------	---	---------------------	----------

- অংশগ্রহণকারীদের অর্জিত জ্ঞান, দক্ষতা ও মনোভাব মূল্যায়নের জন্য প্রশিক্ষণ উত্তর ধারণা যাচাইপত্র প্রদান করা যেতে পারে।
- সময় নির্ধারণ করে ধারণা যাচাইপত্র পূরণের নিয়মাবলী সম্পর্কে বলা যেতে পারে।
- ধারণা যাচাইপত্র পূরণ শেষে অংশগ্রহণকারীদের কাছ থেকে সংগ্রহ করে সংরক্ষণ করবেন।
- এই পর্যায়ে অংশগ্রহণকারীদেরকে প্রশিক্ষণ মূল্যায়ন প্রশ্নপত্রটি পূরণ করার জন্য আহ্বান জানানো যেতে পারে এবং মূল্যায়নপত্র সরবরাহ করা যেতে পারে। সময় ১০ মিনিট। মূল্যায়নপত্র পূরণ করা হয়ে গেলে সংগ্রহ করে গুছিয়ে রাখা যেতে পারে।

ধাপ: ২	প্রশিক্ষণ সমাপন	অনুভূতি ব্যক্ত করা ও আলোচনা	১০ মিনিট
--------	-----------------	-----------------------------	----------

- অংশগ্রহণকারীদের উদ্দেশ্যে বলা যেতে পারে ৩ দিনব্যাপী প্রশিক্ষণের সমাপ্তি হতে যাচ্ছে। এই প্রশিক্ষণ কেমন হল, কী অর্জন করতে পারলাম এ প্রশিক্ষণ থেকে, তা নিয়ে আমরা আলোচনা করব।
- অংশগ্রহণকারীদের অনুভূতি জানতে চাওয়া যেতে পারে প্রশিক্ষণ সম্পর্কে এবং মতামতসমূহ শোনা যেতে পারে। বক্তব্য শেষে অংশগ্রহণকারীদের আন্তরিকভাবে ধন্যবাদ জানানো যেতে পারে।
- অংশগ্রহণকারীদের মতামত শোনা শেষে সহায়ক নিজেও নিজের অনুভূতি ব্যক্ত করতে পারেন।
- এবার সবাইকে প্রশিক্ষণে সহযোগিতা করার জন্য ধন্যবাদ জানিয়ে সমাপ্ত করুন।

প্রাক-প্রশিক্ষণ ধারণা যাচাই

১. পুনঃএকত্রীকরণ সাধারণত কয় ধরনের হয়?

☐ ২ ধরনের

☐ ৪ ধরনের

☐ ৭ ধরনের

২. বিদেশফেরত অভিবাসী চিহ্নিত করা কেন প্রয়োজন?

☐ রেজিস্ট্রেশনের জন্য

☐ সেবা বা সুযোগ নিশ্চিত করার জন্য

☐ আবার বিদেশ পাঠানোর জন্য

৩. অভিবাসীদের সঙ্গে তার পরিবারের দূরত্ব তৈরি হয় কি?

☐ হয়

☐ হয় না

☐ কখনও কখনও হয়

৪. অপবাদ দেওয়া হয় কিসের ভিত্তিতে?

☐ বাস্তবতার ভিত্তিতে

☐ মিথ্যার ভিত্তিতে

☐ কৃতকর্মের ভিত্তিতে

৫. কমিউনিটি মবিলাইজেশন কী করে?

☐ সালিশ করে

☐ সচেতনতা তৈরি করে

☐ বিবাহ রেজিস্ট্রেশন কওে

৬. কাউন্সেলিং কি?

☐ পরিবার পরিকল্পনা পদ্ধতি

☐ পরামর্শ

☐ বিচার সালিশ

৭. এন্টারপ্রেনারশিপ কি?

☐ ডাক্তারি বিদ্যা

☐ বাণিজ্যিক উদ্যোগ

☐ সেবাদানকারী

৮. রেফারেল কি?

☐ সেবা পাওয়ার জন্য

☐ ডাক্তার দেখানো

☐ অভিবাসীদের একত্রিত করা

সঠিক স্থানে পাঠানো

প্রশিক্ষণ পরবর্তি মূল্যায়ন

১. প্রশিক্ষণের বিষয় কেমন ছিল ?

☐ খুব ভাল ☐ ভাল ☐ মোটামুটি ☐ ভাল না

২. ফেসিলিটেটর বা প্রশিক্ষক কেমন ছিল?

☐ খুব ভাল ☐ ভাল ☐ মোটামুটি ☐ ভাল না

৩. প্রশিক্ষণের পদ্ধতি কেমন ছিল?

☐ খুব ভাল ☐ ভাল ☐ মোটামুটি ☐ ভাল না

৪. প্রশিক্ষণের উপকরণ কেমন ছিল?

☐ খুব ভাল ☐ ভাল ☐ মোটামুটি ☐ ভাল না

৫. প্রশিক্ষণের ব্যবস্থাপনা কেমন ছিল?

☐ খুব ভাল ☐ ভাল ☐ মোটামুটি ☐ ভাল না

৬. প্রশিক্ষণ কত দিন হলে ভাল হয়?

☐ ২ দিন ☐ ৩ দিন ☐ ৪ দিন ☐ ৫ দিন

৭. প্রশিক্ষণের বিষয় আপনার এলাকার কাজের জন্য উপযোগী কি?

☐ হ্যাঁ ☐ না

৮. আপনি কি মনে করেন এ বিষয়ে আরও প্রশিক্ষণ প্রয়োজন রয়েছে?

☐ হ্যাঁ ☐ না

৯. প্রশিক্ষণকে আরও ভাল করার ক্ষেত্রে আপনার কোনো পরামর্শ আছে কি?



www.brac.net